

而不參向，又重七喚，猶固辭以不至。於是天皇不悅，而復勅一舍人中臣烏賊津使主曰：皇后所進之娘子弟姬，喚而不來，汝自往之。召將弟姬以來，必敦賞矣。爰烏賊津使主承命退之。褰繡裯中，到坂田，伏于弟姬庭中。言天皇命以召之，弟姬對曰：豈非懼天皇之命，唯不欲傷皇后之志耳。妾雖身亡，不參赴。時烏賊津使主對言：臣既被天皇命，必召率來矣。若不將來，必罪之。故返被極刑，寧伏庭而死耳。仍經七日，伏於庭中，與飲食而不食，密食懷中之糲。於是弟姬以爲妾，因皇后之嫉，既拒天皇命，且亡君之忠臣，是亦妾罪，則從烏賊津使主而來之。到倭春日，食于櫛井上。弟姬親賜酒于使主，慰其意。使主即日，至京留弟姬於倭直吾子籠之家。復命天皇，天皇大歡之。美烏賊津使主，而敦寵焉。然皇后之色不平，是以勿近宮中，則別構殿屋於藤原而居也。八年二月，幸于藤原，密察衣通郎姬之消息。是夕，衣通姬戀天皇而獨居，其不知天皇之臨而歌曰：和餓勢故餓，句倍枳豫臂奈利。佐瑳餓泥能，區茂能於虛奈比。虛豫比辭流辭毛。天皇聆是歌，則有感情，而歌之曰：佐瑳羅餓多，邇之枳能臂毛弘。等枳舍氣帝，阿麻多絆泥受邇多。穢比等用能未，明且天皇見井傍櫻華，而歌之曰：波那具波辭，佐區羅能梅涅許等梅涅麼。波椰區波梅涅孺，和我梅豆留古羅。皇后聞之，且大恨也。於是衣通郎姬奏言：妾常近王宮，而晝夜相續，欲視陛下之威儀。然皇后則妾之姊也，因妾以恒恨陛下，亦爲妾苦。是以冀離王居，而欲遠居。若皇后嫉意少息，歟。天皇則更興造宮室於河內茅渟，而衣通郎姬令居。因此以屢遊，猶于日根野。十一年三月丙午，幸於茅渟宮。衣通郎姬歌之曰：等虛辭陪邇枳彌母阿閉椰毛，異舍離等利。宇彌能波摩毛能，余留等枳等枳弘。時天皇謂衣通郎姬曰：是歌不可聆他人。皇后聞必大恨。故時人號濱藻，謂奈能利曾毛也。先是衣通郎姬居于藤原宮，時天皇詔大伴宿屋連曰：朕頃得美麗娘子，是皇后母弟也。朕心異愛之，冀其名欲傳于後葉。奈何。室屋連依勅而奏可，則科諸國造等爲衣通郎姬定藤原部。

〔日本後紀桓武〕延曆十五年十月壬申，正四位上因幡造淨成女卒，淨成女元因幡國高草郡之采女也。天皇特加寵愛，終至顯位。